



繆思風采

憶江南——鄉村四嘆 2016 歲次丙申

● 張垣鐸*

其一、休耕

鄉村嘆，一嘆是休耕。耒耜高懸空屋裏，良田棄置草叢生。布穀也悲鳴。



* 張垣鐸，南台科技大學通識教育中心人文藝術組講師。



其二、傾頹

鄉村嘆，二嘆是傾頹。寥落莊園春雨後，傳薪火燼率成灰。淚眼獨徘徊。



其三、凋零

鄉村嘆，三嘆是凋零。巷陌往來青壯少，滿村老弱苦伶仃。夕照訴幽情。





其四、滄桑

鄉村嘆，四嘆是滄桑。蛙鼓如煙無覓處，稻香似夢渺茫茫。回首黯神傷。



註：本文〈憶江南〉四闋詞所附四張相片圖檔，都是作者於2016年5月14日在大臺南市七股區竹橋里老家實地拍攝。

